

永樂北藏

趙樸初題



图书在版编目 (CIP) 数据

永乐北藏/赵朴初名誉主编.-北京:线装书局,2000.2
ISBN 7-80106-052-0

I. 永… I. 赵… II. 大藏经 N.B941

中国版本图书馆 CIP 数据核字 (1999) 第 73752 号

永樂北藏 (二〇〇冊)

出版發行 綫裝書局 (北京朝陽區春秀路太平莊十號)

責任編輯 李立

裝幀設計 顏菲菲

印 刷 中國地質科學院五六二印刷廠

版 次 二〇〇〇年三月第一版第一次印刷

印 數 〇〇一——一〇〇

書 號 ISBN 7-80106-052-0/B·1

定 價 八八〇〇〇 圓

ISBN 7-80106-052-0



9 787801 060525 >

御製

天清地寧
風雨調均
烽警不作
化醇俗厚
外順內安
普際光明
大正統五
年十一月
十
陰陽和順
百穀常豐
禮教興行
人皆慈善
一統熙皞
既往未來
俱登正覺
七政明朗
萬類咸暢
子孝臣忠
物靡害災
九幽六道
俱登正覺

永樂北藏第一九九冊目錄

- 禪宗頌古聯珠通集 續前 (本冊卷第十六至卷第二十一 南藏函號赤二—七)……………一
- 佛祖統記 五十四卷 宋志磐撰 (本冊卷第一至卷第二十五 南藏函號城一—昆六)……………一七七

禪宗頌古聯珠通集卷第十六

赤二

僧師古關教無雙谷釋主住持淨戒重校

祖師機緣

六祖下第七世

瑞岩考一則

羅山閑五則

玄沙備財九

長慶校七則

保福展六則

鏡清慈十則

鼓山晏三則

翠岩參一則

太原孚四則

台州瑞岩師考禪師嗣嚴師

師尋居丹丘瑞

若坐磐石終日如愚每日喚主人公復應諾

乃曰惺惺著他後莫受人謾後有僧參玄

沙問近離甚處曰瑞巖沙曰有何言句示

徒僧舉前話沙曰一等是弄精魂也甚奇怪

乃曰何不且在彼住曰已遷化也沙曰而今還喚得應麼僧無對頌曰一生長喚主人

公不受人謾迥不同今日惺惺何處去滿山松柏起悲風

心王本自寧可笑瑞巖方丈老夜深呼喚強惺惺祖印明瑞岩家風喚主人公昨夜南山

虎咬大蟲在山果一主人公死一主人公活若解弄精魂兩頭皆透脫

已惺惺不受欺謾理不輕池內白蓮香未已唇前山色四時青

突出須彌最上峯大地掀翻無覓處笙歌一曲畫樓中

天衣若不施棒喝喚主人公鵲王

永樂北藏

禪宗頌古聯珠通集

第一九九冊

擇乳鴨類不同高泉水洗水乃金博金瑞
巖微底老婆心自劈餅去沽村酒却著衫來
作主人無量壽學道之人不識真只為泛前
認識神無量劫來生死本痴人喚作本來身
無門磐陀漠漠秘蒼苔終日加跌兩鬢摧
縱使不會呼喚著何嘗誤得阿師來天目禮
風前一曲動離情調古無人和得成自唱自
斟還自飲至今猶自不惺惺福州羅山
道閑禪師闍頭閩王請開堂師陞座方收
欽僧伽黎乃曰珍重便下座閩王近前執手
云靈山一會何異今日師曰將謂是箇俗漢
頃曰羅山忍後不能禁大展家風吼一音

紙墨如山書莫盡僧休向義中尋洞山瑞
紛紛雪影耀閩天閩主欣逢倍樂然一旦春
風吹大地更無一點在階前白雲瑞須彌座
上伽黎海口潮音闍大機世主大檀能藻
監靈山嘉會愈增輝疎山如一道直如弦千
古應無對縱有噬鏃機觸髅成粉碎栢堂雅
瑞世優曇見最難異香浮動曉風寒自非世
主垂青眼却作閑花野草看寶葉源羅山初
謁石霜問起滅不停時如何霜云直須寒灰
枯木去一念萬年去函蓋乾坤去純清絕點
去師不契後謁巖頭理前問頭喝曰是誰起
滅師於此大悟頃曰斫斷老葛藤打破休

狸窟豹披霧而變文龍乘雷而換骨咄起滅
紛紛是何物天童覺是誰起滅就窠打劫擊
殺烏龜教得跛躄教大岩拜起滅不停誰解
看當機一撥透重關東西總是長安路蕩蕩
無拘自往還無準範冷水點沸湯舌頭不出
口可惜老巖頭慈悲成過外石田薰羅山在
禾山遊同行矩長老出門次師把拄杖向前
一攏矩無對師曰石牛攔古路一馬勿雙駒
後有僧舉似踈山山曰石牛攔古路一馬生
三寅頌曰春有百花夏有熱秋有涼風冬
有雪若無閒事掛心頭便是人間好時節
堂一不踏門前路春歸又一年落花紅滿地

永樂北藏

禪宗頌古聯珠通集

第一九九冊

芳草碧連天鼓山挂出門握手話分勢古道
迢迢去莫追却笑波心遺劍者區區空記刻
舟時徑山果羅山一日問巖頭和尚三十年
前在洞山來又不肯洞山是否頭曰是又問
和尚豈不是承嗣德山又不肯德山頭曰是
師曰不肯德山即且置只如洞山有什麼虧
欠處頭良久曰洞山好佛只是無光師便禮
拜頌曰一箇錢額銅頭一人三頭六臂二
俱借人鼻孔却與洞山出氣而若勝不肯宗
師蒲大唐羅山禮拜錯商量洞山無佛人難
措慚愧若頭口放光正慈顏羅山因無軫上
座問祇如巖頭道洞山好佛祇是無光未審

永樂北藏

禪宗頌古聯珠通集

第一九九册

洞山有何虧缺便道無光師召軫軫應諾師曰灼然好箇佛祇是無光曰大師為甚麼撥無軫語師曰甚麼處是陳老師撥你話處快道快道軫無語師打三十棒越出軫舉似招慶慶一夏罵詈至夏末自來問師乃分明舉似慶便作禮懺悔曰洎錯恠大師頌曰 格

外談驚人句懽懽禪和徒指注酌然好箇佛無光言下迷宗空自忙賴有知音招慶在說訛一夏為雌黃雌黃出暗罵愁腸寄知識佛性泰福州玄沙師備禪師嗣雪峯示眾曰諸方老宿盡道接物利生且問汝只如盲聾瘡三種病人汝作麼生接若拈鉢豎拂他眼且

不見共他說話耳又不開口復瘡若接不得佛法盡無靈驗時有僧出曰三種病人和尚還許人商量否師曰許汝作麼生商量其僧珍重出師曰不是不是有僧持此語請益雲門門曰汝禮拜著僧禮拜起門以拄杖拄僧退後曰汝不是愚有復喚近前來僧近前門曰汝不是愚靜門曰還會麼曰不會門曰汝不赴患瘡其僧於此有省頌曰 盲聾瘡瘡杳絕機宜天上天下堪笑堪悲離朱不辨正色師曠豈識玄絲爭如獨坐虛牕下葉落花開自有時復云還會麼無孔鐵鎚雪竇頌退後近前兼對辯相逢邂逅難回面春風舊地

撼庭前還見落花千萬片白雲端雲門老子
手親眼親因風吹火不費精神盲者便視靜
者便聞雖然無語掛在口唇三種病人一種
法門佛鑑熱盲靜瘡瘰接不得玄沙枉費閒
心力扁鵲盧醫拱手歸三人俱是膏肓疾鼓
山珪玄沙三種病人語透出雲門六不收莫
待是非來入耳從前知已返為讎徑山杲權
生靜瘰瘰癧要顯吾宗驗作家金剛截錢
如泥碎透金纔動失玄沙汾陽昭欲知三種
人應用理常新未有纖毫法能為中外塵永
明壽一二三見聞覺更是誰頓銷燦花簇簇
處鷓鴣啼草薰薰時鴛鴦飛玄沙老玄沙老

賴遇當年欠一著諦當之言徒唯然中間樹
子半零落翠巖真玄沙三種接人諸人口耳
現在不要開眼尿床特地移山塞海花裏幽
禽語不休風光滿地誰人買塗毒某玄沙三
種病人有理不在高聲引得香嚴老子却來
樹上懸身龍門玄沙以毒出人毒三種病
人同一屋堪笑雲門老古錐河裏失錢河裏
攪或瘰癧盲靜瘰瘰瘰不相干莫被玄沙恣熱
謾一句與君重剖露老君頭戴楮皮冠晦室
明靜盲瘰瘰提敗了也更問如何靜盲瘰瘰
月林觀曲設多方驗作家有誰親見老玄沙
耳聾口瘰瘰眼睛瞎五濁衆生數以麻橫川珠

永樂北藏

禪宗頌古聯珠通集

第一九九冊

玄沙見僧來禮拜乃曰禮拜著因我得禮拜
汝頌曰 拜我得禮你自笑沒道理豈獨玄
沙翁天下人不是覺海元 因我得禮你扶倒
又扶起要行即便行要止即便止實孝明夫
子不識字達磨不會禪玄沙無此語切莫妄
流傳往山果利刀自斷命根不要依草附木

亦二

五

若有一法與人永入拔舌地獄慈山圭因我
得禮你牽牛去飲水岸上蹄踏蹄水中背對
背高卷悟因我得禮你崑崙卧潭底雖然浪
拍天身上無滴水雪堂升因我得禮你分明
好慚愧玄沙不是癡咄開眼休瞋瞞堂一
說你說我轉見話墮大地衆生元無一箇喚

牛游老鼠咬生鎖十分滋味別猫兒左右看
嚙唾也不徹正堂辨因我得禮你窮源須到
底九九八十一閻羅王是鬼已卷顏因我得
禮你事從叮囑起誰知白蘋風不在秋江裏
天目禮曰我得禮你真放屁撒屎帶累天下
人錯認自家底蒙卷玄沙一日普請往海
坑斫柴見一虎僧曰和尚虎師曰是汝虎歸
院後僧問適來見虎云是汝未審尊意如何
師曰娑婆世界有四重障若人透得許汝出
陰界東禪齊曰上座古人見了道我身心如
大地虛空如今人還透得麼雪竇云要與人
天為師前面端的是虎頌曰 前虎後虎急

須看取凜烈威風生獐爪距今古樵人不回
顧喪身失命知何數若回顧雄雄坐斷山前
路佛慈泉猛虎當途獨振威爪上真箇利如
錐可憐不覺亡身者碎骨收來良可悲保寧
勇宗師方便大慈悲是汝之言寔古雖萬里
神光騰頂後肯將生死嚇愚癡龍門遠欲識
玄沙虎觀面是誰覩直下透牢關全機超佛
祖禾山方玄沙見虎是汝多少人明自己色
聲逼滿太虛有底纖毫依倚來明老玄沙太
饒舌覩面明明重漏泄衲僧於此便承當驗
來未免眼中屑屑誰甄別火發新羅燒脚
熱印山中有虎人世上有人虎常磨笑裏

刀利牙爪可怖寄語花狸奴莫教渠上樹慈
受深前面有虎元來是汝更問如何冤苦冤
苦月堂昌玄沙一日遣僧送書上雪峯和尚
峯開緘唯白紙三幅問僧會麼曰首峰曰
不見道君子千里同風僧回舉似於師師曰
遮老和尚蹉過也不知頌曰故遣馳書通
赤二六遠信不干文字示家風回來却報玄沙語蹉
過分明理更封汾陽昭玄沙封白紙雪老却
同風嗟過人難會古曲調不同真如結玄沙
封白紙雪老把火披元來不識字白日走須
彌雲蓋智玄沙象骨眼睛烏白紙三番便當
書千里同風多錯會一條拄杖兩人扶慈受

永樂北藏

禪宗頌古聯珠通集

第一九九册

萍踪翻漁艇承家業笑出蘆花月一 地闊
天長三幅紙同風千里為誰宣佛心才白紙
三張通信去展開千里却同風陽春轉入胡
笳曲不是風吹別調中佛性春三番白紙問
寒暄千里同風月滿船奪得高標全用麴盤
蛇口內打鞦韆丹霞淨白紙連封寄雪峯雪
峯由是喜同風中間蹉過無人識齋後江城
打暮鍾佛陀遊白紙馳來上雪峯雪峯千里
却同風玄沙蹉過人難會熨斗煎茶銚不同
真淨丈鷄鳴夜夜連聲叶月下同人不忍聞
啼得血流無用處不如緘口過殘春文殊道
三張白紙千里同風宗師蹉過衲子迷踪金

鳥飛出海門東風從虎牙雲從龍野雲南千
里同風見不差僧持此語報玄沙不知蹉過
如何也莫是玄沙蹉過他橫川珙玄沙因雪
峯召曰備頭陀何不徧叅去師曰達磨不來
東土二祖不往西天雪峯然之頌曰 驀然
趯倒便知休百粵青山更不游從此七閩江
亦二
上月至今空照釣漁舟佛國白 釣魚船上謝
二郎趯倒須彌返故鄉應笑途中未歸客
停旅泊向他邦本覺一未離閩底已還家纔
許飛鷺又眼花堪笑曾郎更心毒烏藤輕放
老玄沙遊菴演玄沙南游莆田縣排百戲迎
接來日師問小塘長老昨日許多喧鬧向什

麼處去也塘提起袖衣角師曰料掉沒交涉
 法眼別云昨日有多少喧鬧法燈別云今日
 更好笑頃曰夜壑藏舟澄源著掉魚龍未
 知水為命折箭不妨聊一攪玄沙師小塘老
 函蓋箭鋒探竿影草潛縮也老龜巢蓮游戲
 也華鱗弄藻天童覺今日靜惺惺昨日鬧啾
 啾風定花猶落鳥鳴山更幽北磬前人前提
 起絮裝角堪笑無端露醜惡二老風流出當
 家未明向上那一著無際玄沙問鏡清教
 中道菩薩摩訶薩不見一法為大過失且道
 不見什麼法清指露柱云莫是不見遮箇法
 麼師曰浙中清水白米淺汝契佛法未曾在

頃曰雪老門高兒女盛又能情重貴天倫
 把家幹盡雖相似也有貪盃落草人匡堂忌
 密機深設犀利刃疾交鋒汗馬無人識重論
 蓋代功東叟穎玄沙因鏡清問學人乍入業
 林乞師指箇入路師曰還聞偃谿水聲否曰
 聞師曰是汝處頃曰從這裏入頭上脚下
 俱濕雖然通得咽喉未免一場氣急風淅淅
 浪悠悠清風何處起人在木蘭舟佛慧泉一
 滴偃溪水四海少人聞直饒玄會得也是弄
 精規法雲方天生碧眼崑崙兒有藝過人自
 不知幾度黑風翻大海波心出沒自閒嬉白雲端
 風飄碎玉千峯雪雨滴岩花萬國春堪

永樂北藏

禪宗頌古聯珠通集

第一九九冊

聽偃溪流水意潺潺終日不聞聞
老玄沙付鏡清返聞來聽偃溪聲如今洗耳
滄浪在誰肯臨流便濯纓是古佛滄浪無問
說只為太親切有誰曾共聞山河齊漏泄楚
安方玄沙指示太深深引線須憑一寸針聞
與不聞門外語勸君休向偃溪尋文殊道乾
坤獨立從這裏入風吹不著雨打不漏月
觀一派寒泉下翠微玄沙拈出為真機鏡清
雖向聞中入流水何曾洗是非錢山仁玄沙
因叅次聞燕子聲乃曰深談實相善說法要
便下座時有僧請益曰某甲不會師曰去誰
信汝頌曰 紫燕飛來繞畫梁深談實相鑒

浪浪十言萬語無人會又逐流鶯過短牆本
覺一薄宦奔南北長憐客路塵濛濛烟雨裏
深憶故園春延壽慧皎沽交馳千聖不共救
得眉毛失却鼻孔空史叩玄沙因僧問如何
是學人自己師曰用自己作麼雲門云沒量
大人被語脉裏轉却僧問如何是學人自己
門云忽然路上有人喚衲僧齋你也隨分得
飯喫頌曰 是你自己莫相鈍置衲子兩兩
三三抵道早眠晏起大中隆玄沙驢前雲門
馬後更問如何合取狗口雪菴瑾玄沙因僧
問如何是清淨法身師曰濃滴滴地頌曰
滴滴通身是爛騰釣魚船上顯家風時人只

看絲綸上不見蘆花對蓼紅紅天衣懷膿滴滴
地金色光法身全體露堂堂釣螺江上曾分
化一葉漁舟泛渺茫揚無為清淨法身無可
比病後依前滴滴膿燕鴻叫斷秋光老落葉
飄來一樣紅懷巷滴滴通身是爛膿更無
一點落西東若言不是知音者未免風吹別
調中高峯妙玄沙因僧侍次以拄杖指面前
地上一點白問曰還見麼曰見師如是三問
其僧三云見師曰你也見我也見為什麼道
不會頌曰你見我見十分成現打破荆棘
林方知無背面一點從教徹古今黑白未分
何處辨玄沙因僧問如何是親切底事師

曰我是謝三郎頌曰本是釣魚船上客偶
除鬚髮著袈裟祖佛位中留不住夜來依舊
宿蘆花雪竇顯親伸端的問君言莫比流沙
少室傳昨夜鴈回雙嶺後謝家人立月明前
提子青閨山滄海浪悠悠父子生涯一釣舟
忽尔踏翻深猛省大家收拾去來休草堂清
抄秋時節水雲鄉千頃蘆花未著霜江景不
將零碎賣一時分付謝三郎祖印明蕭蕭蘆
葦映江流獨棹孤蓬漾小舟細雨斜風渾不
顧一心只在釣竿頭失第堪玄沙示衆曰若
論此事喻一片田地四止界分結契賣與諸
人了也只有中心樹子猶屬老僧在頌曰

永樂北藏

禪宗頌古聯珠通集

第一九九冊

萬事由王老師樹子未屬你在廣額屠兒成
佛二祖大師償債鼓山住祖父田園都賣了
四邊界至不曾留奈何由有中心樹惱亂春
風卒未休在山呆祖父田園俱屬我中間樹
子豈由他連枝帶葉和根拔要見兒孫意氣
豪繚玄沙曾指上頭關四海禪流覺未開
惟有漢朝天子貴彭城坡上信旗還蓋山愛
玄沙曰亡僧面前正是觸目菩提萬里神光
頂後相頌曰 嶺中奇特是玄沙垂語諸方
不易加亡僧面前真心驗後人子細莫周遮
石門恥亡僧雖不是亡僧既是菩提道自通
若更二途斟酌會非但無知燕耳解般若柔

就中至直是玄沙觸目全真話不賒亡者面
前親證驗更無偏黨絕周遮叢林浩浩爭唇
吻恰似虛空捏幻花汾陽天衣懷云亡僧
面前即且置只如活人背後底是箇甚麼頌
曰 且置亡僧面前事活人背後若為逢自
從打破雲南國直至如今塞北通本覺一玄
沙云萬里神光頂後相沒頂之時何處望事
已成意已休此箇來踪觸處周智者聊聞猛
提起莫待須臾失却頭頌曰 神光頂後照
無邊萬里區區豈足言若問玄沙端的意霜
天夜半觸骸寒本覺一玄沙嘗訪三斗菴主
纔相見主曰莫恠住山年深無坐具師曰人